

## CONVOCATORIA DE BOLSAS DE COLABORACIÓN PARA FORMACIÓN COMPLEMENTARIA DO ESTUDANTADO DA UNIVERSIDADE DA CORUÑA. CURSO 2017/2018

A Universidade da Coruña e o Banco Santander convocan bolsas de colaboración para formación complementaria do estudiantado da Universidade da Coruña.

### OBXECTO DA AXUDA

O obxecto desta convocatoria é a adxudicación de 124 bolsas de colaboración para formación que permitan a formación teórica e práctica do estudiantado matriculado nun centro propio da Universidade da Coruña en estudos conducentes á obtención dun título oficial, mediante a realización de actividades de colaboración en diferentes áreas de interese formativo.

A dotación total das bolsas será de douscentos setenta e seis mil setenta e un con doce € (276.071,12 €) con cargo á partida orzamentaria 0300030031 422D 480.03. Sen prexuízo de que este importe puidese ser incrementado en función da dispoñibilidade orzamentaria.

### REQUISITOS DAS PERSOAS SOLICITANTES

Todas as persoas solicitantes dunha bolsa deberán cumprir os seguintes requisitos:

1. Estar matriculado e ao corrente do pagamento no curso 2017/2018 na Universidade da Coruña en estudos oficiais de:
  - Arquitectura ou Enxeñaría superior.
  - Titulacións de Grao.
2. Ter superados o 30% dos créditos na titulación onde estea matriculado.
3. Non percibir ningunha axuda económica incompatible. Son incompatibles con bolsas de colaboración do MEC e calquera outra para o mesmo fin. Tampouco poderá realizarse ningunha actividade retribuída que supoña a obtención de ganancias superiores no seu importe ao trinta por cento do Salario Mínimo Interprofesional. Para tales efectos, poderase solicitar á persoa interesada certificación da Axencia Tributaria acreditativa do seu nivel de rendas. Son compatibles coas bolsas de carácter xeral do MEC, da Administración Autonómica e as axudas convocadas pola UDC (transporte, residencias...). A obtención simultánea dunha bolsa convocada por esta resolución con algunha bolsa incompatible será causa de reintegro. Non obstante e sen prexuízo do anterior, cando un estudante sexa beneficiario das Bolsas de colaboración para formación complementaria do estudiantado da Universidade da Coruña e das Bolsas de colaboración en formación complementaria nos departamentos universitarios dos centros propios, curso 2017/2018, deberá aceptar só unha delas.
4. Non estar en posesión nin reunir os requisitos legais para a expedición dun título universitario na data de finalización do prazo de presentación da

solicitud de convocatoria, agás se a titulación é o requisito académico para continuar os estudos na Universidade da Coruña.

5. Ter un perfil académico relacionado coa actividade obxecto da bolsa. Alén dos requisitos anteditos, a persoa solicitante dunha bolsa, deberá cumprir en cada caso os requisitos específicos que figuran no Anexo I correspondentes ás distintas áreas de formación, se os houber.
6. Os bolseiros de colaboración deberán manter a condición de estudantes dalgunha das titulacións oficiais que se imparten na Universidade da Coruña durante o período completo de duración da bolsa.
7. A perda da condición de estudante dalgunha das titulacións oficiais que se imparten na Universidade da Coruña supoñerá o cesamento automático da bolsa e a perda dos dereitos que esta leva consigo.
8. Non poderá solicitar unha bolsa de colaboración a persoa que gozase con anterioridade doutra bolsa de colaboración da Universidade da Coruña.

## FORMALIZACIÓN DAS SOLICITUDES

As solicitudes deberán cumprimentarse a través da aplicación informática á que se accede dende: <http://bolsas.udc.es>

Deberase acompañar a seguinte documentación:

- Currículo da persoa solicitante, coa documentación que o acredita. Recoméndase que se siga o formato especificado polo Europass (<http://europass.cedefop.europa.eu/europass/home/vernav/Europass+Documents/Europass+CV.csp>)
- Declaración xurada de non contar con ningunha axuda económica incompatible, nin realizar ningunha actividade retribuída. No caso de realizarse unha actividade retribuída, certificación da Axencia Tributaria acreditativa do seu nivel de rendas, para os efectos de comprobar que non se obteñen ganancias superiores no seu importe ao trinta por cento do Salario Mínimo Interprofesional.

Cada solicitante soamente poderá presentarse a tres bolsas distintas de forma prioritaria, no caso de exceder ese número, quedarán anuladas todas as solicitudes presentadas.

## CONTÍA E PERÍODO

O importe bruto da axuda será de 240 € mensuais, ao que se lle aplicarán as retencións correspondentes a conta do Imposto sobre a Renda das Persoas Físicas, conforme ao previsto na norma reguladora dese imposto.

Así mesmo, ao antedito importe descontaráselle a cotización da Seguridade Social correspondente á persoa adxudicataria, segundo o disposto no Real Decreto 1493/2011 de 24 de outubro, polo que se regulan os termos e condicións de inclusión no Réxime Xeral da Seguridade Social das persoas que participen en programas de formación. O pagamento efectuarase con referencia á situación do dereito da persoa bolseira ao día último do mes que corresponda.

A duración destas bolsas será de 8 meses comprendidos entre o día 1 de outubro de 2017 e o 31 de maio de 2018, cunha dedicación de 8 horas semanais, sen que o tempo de dedicación diaria poida exceder de catro horas. O horario concertarase co/a titor/a tendo en conta a ocupación lectiva da persoa adxudicataria.

## COMISIÓN DE SELECCIÓN E CRITERIOS DE AVALIACIÓN

A Comisión de Selección encargada de valorar as solicitudes será a Comisión de Extensión Universitaria, delegada do Consello de Goberno, ligazón: [http://www.udc.es/goberno/organos\\_colexiados\\_e\\_estatutarios/consello\\_goberno/comisiones\\_estables.html](http://www.udc.es/goberno/organos_colexiados_e_estatutarios/consello_goberno/comisiones_estables.html)

Criterios de avaliación:

1. Expediente académico: 75% (máximo 7,5 puntos) (As notas medias procedentes de ensinanzas técnicas multiplicaranse polo coeficiente 1,17)
2. Outros méritos: 20% (máximo 2 puntos)
  - 2.1 Experiencia documentada relacionada co obxecto da bolsa: prácticas, traballo (máximo 0,5 puntos)  
0,1 puntos por mes traballado
  - 2.2 Formación complementaria específica nas materias obxecto da bolsa á que se opta (máximo 1 punto)  
  
Cursos inferiores a 10 horas: 0,1 puntos  
Cursos entre 10-19 horas: 0,2 puntos  
Cursos entre 20-49 horas: 0,3 puntos  
Cursos de máis de 49 horas: 0,4 puntos
  - 2.3 Idiomas (máximo 0,5 puntos)  
  
Nivel A2 ou equivalente: 0,1 puntos  
Nivel B1 ou equivalente: 0,2 puntos  
Nivel B2 ou equivalente: 0,3 puntos  
Nivel C1 ou equivalente: 0,4 puntos  
Nivel C2 ou equivalente: 0,5 puntos
3. Coñecemento de galego: 5% (máximo 0,5 puntos)  
  
Celga 1 ou equivalente: 0,1 puntos  
Celga 2 ou equivalente: 0,2 puntos  
Celga 3 ou equivalente: 0,3 puntos  
Celga 4 ou equivalente: 0,4 puntos  
Celga 5 ou equivalente: 0,5 puntos

Só se valorarán os méritos que se acrediten documentalmente referidos á data de finalización de presentación de solicitudes.

Publicarase no Taboleiro Electrónico Oficial (TEO) da Universidade da Coruña unha listaxe provisoria de persoas admitidas e excluídas e abrirase un prazo cinco días hábiles para presentar reclamacións. Transcorrido este prazo, procederase á resolución da solicitude da bolsa e á súa publicación no mesmo lugar en que se publicou a convocatoria.

Contra a resolución, a persoa interesada poderá interpoñer un recurso de reposición perante o reitor no prazo dun mes a partir do día seguinte ao da publicación desta resolución.

## **OBRIGAS DA PERSOA BOLSEIRA**

A persoa bolseira comprométese a realizar a súa actividade seguindo as indicacións do/a titor/a.

O incumprimento por parte da persoa bolseira dalgunha das condicións recollidas nestas bases suporá a perda da bolsa concedida e mesmo o reintegro das cantidades percibidas.

A persoa bolseira comprométese a presentar ao responsable da súa titorización unha breve memoria das actividades realizadas antes do 30 de abril de 2018, que será custodiada no Centro, Servizo ou Unidade na que se realice a bolsa. O incumprimento desta obriga suporá a devolución da contía recibida.

## **ACEPTACIÓN E RENUNCIA**

A aceptación da bolsa, na que a persoa interesada se compromete a cumprir todas as condicións recollidas nesta convocatoria, deberase efectuar no prazo de 7 días hábiles desde a publicación da resolución da convocatoria no Taboleiro Electrónico Oficial (TEO) da Universidade da Coruña. A dita aceptación poderase facer dalgunha das seguintes formas:

- Presencial no SAPE (Coruña ou Ferrol) mediante a presentación dos documentos asinados pola persoa interesada:

- Impreso de aceptación
- Impreso alta persoal
- Impreso datos bancarios (orixinal)
- Número de NUSS (Número de Usuario de Seguridade Social)
- DNI

- Mediante o envío da documentación a través de calquera dos medios establecidos no artigo 16.4 da Lei 39/2015, do 1 de outubro, do procedemento administrativo común das administracións públicas ou norma que o substitúa.

Enlace modelo de impresos: [http://www.udc.es/sape/descarga\\_documentos/](http://www.udc.es/sape/descarga_documentos/)

Se no prazo de 7 días mencionado non se recibise a aceptación por parte do/a adxudicatario/a, entenderase que renuncia á bolsa.

As comunicacións coas persoas da listaxe de agarda, que por renuncia dos/as adxudicatarios/as tivesen dereito ao aproveitamento da bolsa, farase pola Universidade á conta de correo electrónico, con acuse de recibo, indicada na solicitude e disporán dun prazo de 3 días hábiles para aceptar a bolsa mediante algunha das formas descritas anteriormente. No caso de non obter contestación no prazo indicado entenderase que renuncia.

Todas as baixas que se produciren antes do 15 de marzo de 2018 serán substituídas pola seguinte persoa da relación que elaborará a Comisión de Selección.

Esta convocatoria debe ser integrada e interpretada ao abeiro do Regulamento de bolsas de colaboración para formación na Universidade da Coruña, aprobado na sesión do Consello de Goberno do 31 de maio de 2016.

### **PRAZO DE SOLICITUDES**

O prazo de solicitudes será dende a publicación desta convocatoria no Taboleiro Electrónico Oficial da Universidade da Coruña até as 24.00 h. do día 30 de xuño de 2017.

### **PROTECCIÓN DE DATOS**

A solicitude dunha bolsa de colaboración da Universidade da Coruña implica a aceptación do contido do Regulamento de bolsas de colaboración para formación na Universidade da Coruña e a autorización para que os seus datos persoais sexan utilizados pola Universidade da Coruña, de acordo coa Lei orgánica 15/1999, do 13 de decembro, de protección de datos de carácter persoal, co fin da correcta xestión das bolsas.

A Coruña, 15 de xuño de 2017  
O reitor

Julio E. Abalde Alonso

## ANEXO I

### RELACIÓN DAS BOLSAS DE COLABORACIÓN PARA FORMACIÓN COMPLEMENTARIA

<b>TAREFAS INFORMÁTICAS</b>		
CENTRO	REQUISITOS ESPECÍFICOS	Nº
EDIFICIO DE APOIO AO ESTUDO (Ferrol)		2
ESCOLA POLITÉCNICA SUPERIOR		2
ETS DE ARQUITECTURA		2
ETS DE ENXEÑARÍA DE CAMIÑOS, CANAIS E PORTOS		2
ETS DE NÁUTICA E MÁQUINAS	Estar matriculado nunha titulación do centro	2
ESCOLA UNIVERSITARIA DE ARQUITECTURA TÉCNICA		2
ESCOLA UNIVERSITARIA DE DESEÑO INDUSTRIAL		2
ESCOLA UNIVERSITARIA POLITÉCNICA		2
FACULTADE DE CIENCIAS		2
FACULTADE DE CIENCIAS DA COMUNICACIÓN		2
FACULTADE DE CIENCIAS DA EDUCACIÓN		2
FACULTADE DE CIENCIAS DA SAÚDE		2
FACULTADE DE CIENCIAS DO DEPORTE E A E.F.		2
FACULTADE DE CIENCIAS DO TRABALLO		2
FACULTADE DE DEREITO		2
FACULTADE DE ECONOMÍA E EMPRESA		2
FACULTADE DE ENFERMARÍA E PODOLOXÍA		2
FACULTADE DE FILOLOXÍA		2
FACULTADE DE FISIOTERAPIA		2
FACULTADE DE HUMANIDADES E DOCUMENTACIÓN		2
FACULTADE DE INFORMÁTICA		2
FACULTADE DE SOCIOLOXÍA		2

<b>ÁREAS</b>		
ÁREA	REQUISITOS ESPECÍFICOS	Nº
Aula de Formación Informática (AFI)	Estar matriculado no grao ou enxeñaría superior da Facultade de Informática	2
Avaliación docente (A Coruña)	Estar cursando 3º, 4º curso de grao en ADE, Comunicación Audiovisual, Educación Infantil, Educación Primaria, Educación Social ou Socioloxía	1
CUFIE - Atención á diversidade	Estar matriculado no 3º ou 4º curso do grao en Educación Social ou Terapia Ocupacional	1
CUFIE - Unidade de teleformación	Estar matriculado no 3º ou 4º curso do grao en Comunicación Audiovisual	1
Centro de Estudos de Xénero e Feministas (Coruña)	Sen requisitos específicos	2
Cultura (A Coruña)	Estar matriculado nun grao da Facultade de Filoloxía	1
Cultura (Ferrol)	Estar matriculado nun grao da Facultade de Humanidades	1
Deportes	Estar matriculado no grao en Comunicación Audiovisual	1
	Estar matriculado no grao en Ciencias da Actividade Física e do Deporte	1
NORMAL – UDCC	Estar matriculado no grao en Comunicación Audiovisual	1
Oficina de Cooperación e Voluntariado (A Coruña)	Sen requisitos específicos	1
Oficina de Cooperación e Voluntariado (Ferrol)	Sen requisitos específicos	1
Oficina de Igualdade e Xénero (Ferrol)	Estar matriculado no grao en Deseño Industrial e Desenvolvemento do Produto	1

Oficina de Medio Ambiente	Estar matriculado no grao ou enxeñaría superior do centro en que se solicita bolsa: - ETS de Enxeñeiros de Camiños, Canais e Portos - Facultade de Ciencias (matriculado no grao en Química)	2 (unha en cada centro)
Oficina de Medio Ambiente Green Campus	Estar matriculado nun grao ou enxeñaría superior no centro do que se solicita bolsa: - Campus de Ferrol (estar matriculado nunha titulación do campus) - Escola Técnica Superior de Arquitectura - Escola Técnica Superior de Camiños, Canais e Portos - Escola Técnica Superior de Náutica e Máquinas - Escola Universitaria de Arquitectura Técnica - Facultade de Ciencias (matriculado no grao en Bioloxía) - Facultade de Ciencias da Educación - Facultade de Ciencias da Saúde (Oza) - Facultade de Ciencias do Deporte e a Educación Física - Facultade de Economía e Empresa - Facultade de Filoloxía - Facultade de Fisioterapia	12 (unha en cada centro)
ORI (Mantemento páxina web)	Estar matriculado no grao ou enxeñaría superior da Facultade de Informática	1
Publicacións	Estar matriculado no grao en Información e Documentación ou nun grao da Facultade de Filoloxía	1
Servizos de Informática e Comunicacions (SIC)	Estar matriculado no 3º ou 4º curso do grao de Enxeñaría Informática	1
UDC Saudable	Sen requisitos específicos	1
Unidade Técnica de Calidade (UTC)	Sen requisitos específicos	1

LABORATORIOS		
CENTRO	REQUISITOS ESPECÍFICOS	Nº
ESCOLA POLITÉCNICA SUPERIOR	Estar matriculado nunha das titulacións do centro do que se solicita a bolsa	3
ETS DE ARQUITECTURA		3
ETS DE ENXEÑARÍA DE CAMIÑOS, CANAIS E PORTOS		3
ETS DE NÁUTICA E MÁQUINAS		3
ESCOLA UNIVERSITARIA DE ARQUITECTURA TÉCNICA		3
ESCOLA UNIVERSITARIA DE DESEÑO INDUSTRIAL		3
ESCOLA UNIVERSITARIA POLITÉCNICA		3
FACULTADE DE CIENCIAS		3
FACULTADE DE CIENCIAS DA COMUNICACIÓN		2
FACULTADE DE CIENCIAS DA SAÚDE		3
FACULTADE DE CIENCIAS DO DEPORTE E A EF		2
FACULTADE DE ENFERMARÍA E PODOLOXÍA		3
FACULTADE DE FISIOTERAPIA		3
FACULTADE DE INFORMÁTICA		3

BIBLIOTECAS		
CENTRO	REQUISITOS ESPECÍFICOS	Nº
FACULTADE DE CIENCIAS DA EDUCACIÓN	Estar matriculado nunha das titulacións do centro no que se solicita a bolsa	2
FACULTADE DE FILOLOXÍA		2
FACULTADE DE HUMANIDADES E DOCUMENTACIÓN		2